

du pays y a certains peuples qu'on nōme Resbuti, qui sōt nobles de ce Royau-
me, ont toute franchise, & ne craignent aucune violence, ains se iettent quel-
quefois contre les places de Cambaie. Les principales villes situées sur le bord
de la mer sont Damanum, Bandora, Curatē, Raucl, Basuin, dont ies deux
premieres ont esté destruittes par les Portugais. Icy est aussi la ville de Diu, &
vn fort chasteau situé en vne Ile gueres loing de l'emboucheure de la riuiere
Indus. Les Portugais y commandent comme maistres de la ville & du cha-
steau. Beaucoup de nations y frequentent & traffiquent, à quoy ce lieu est fort
cōmode. Au reste au cœur du pays sont Madauar, & Cābaie, dont le Royau-
me porte le nom, ville magnifique, & où il y a bien cent & trēte mille familles.
C'est la plus belle place de toutes les villes Orientales, & à ceste cause aussi ap-
pellee la Cayre des Indes. La ville Royale Cāpanel est assise sur vne hautes mo-
taigne, entourée de sept murs. Le Roy de Cābaye estoit iadis estimē pour fort
puissant, en telle sorte qu'il marchoit en campagne quelquefois cōtre les Mo-
gores bien avec cent cinquante mille cheuaux & cinq cents mille pietons, &
bien mille canons, entre lesquels il y en auoit quatre de si grandes pieces, qu'il
falloit bien deux cens beufs pour les entrainer, & outre cela encores deux cēs
Elephans portans tours, & cinq cens tōneaux d'or & d'argent monnoyé pour
payer les soldats, outre les Seigneurs & Princes qui accompagnoient le Roy
à leurs propres despens, mais il a esté finallemēt vaincu par les Mogores Tar-
tars, qui possèdent maintenant vne grande partie de ce Royaume. Dās le gol-
fe de Cambaie y a deux forteresses, à sçauoir de Diu & Tauamanum, que les
Portugais tiennent, lesquelles sont renfermées de ceste baye & del'Ocean.

*Terribles pie-
ces de canōs.*



ROYAUME D'ORMVS.



GVERE s loing des limites de Perse, y avn fort puisſant Royau-
me appellē Ormus, lequel cōprend ceste partie de Perse, la-
quelle est arrouſee des riuieres de Tabo, Tiffindo, & Druto,
avec encores quelques Isles dās le Golfe Perſique, aussi vne
partie de l'Arabie heureuse pres du susdit Golfe. La ville ca-
pitale de ce Royaume est en l'Isle d'Ormvs, & appellēe du
mesme nō, l'Isle est situēe de terre ferme enuiron 12. lieues, la
ville est fort marchande, & la plus belle de toutes les villes maritimes, voire les
passe en nombre de marchādises, en perles tresprecieuses & exquisēs, & en bel-
le situation. Toutesfois il y a grande chertē de bled & d'eau douce, de laquelle
ils ont faute, d'autant que l'Isle est fort infertile, & ne produit point de fromēt,
ains il faut qu'on l'ameine d'ailleurs en ce lieu. Le trafic cependant y est grand,
& les Marchands y arriuent d'Arabie, des Indes, de Perse, apportans de la soye,
des perles & pierres pretieuses. Il y a vne petite montaigne, en laquelle on trou-
ue d'vn costē des mines de soulfre, & de l'autre costē du sel. Les habitans sont
assez beaux, & sont en partie Arabes, & en partie Perſes, qui viuent de ris, sont
amateurs de musique & d'autres sciences. Leur Roy est Sarrazin: & donne tous
les aus quinze mille Seraphins (qui est vne certaine sorte de monnoye) aux
Portugais, lesquels tiennent en ceste dicte Isle vn fort chasteau & bien muny
pour la desſence & garde, d'autant qu'elle leur importe beaucoup.

*Mines de
soulfre &
de sel.*

F I N.